



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Secti V. Notæ Historicæ circa tempus celebrationis Conciliorum  
Generalium.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

*Spiritu Sancto in Ecclesia Cathedrali, & loco sessionis.*  
In 6. leguntur hac verba, *in Ecclesia Cathedrali, in loco eminentiori ipsius Ecclesiae, ad Concilium celebrandum & sessiones habendas deputato.* Eadem verba leguntur in Praefatione Sessionis VII.

In Sessione XI. postquam dictum fuit, *cam in Ecclesia Cathedrali fuisse habitam, adjicetur circumstantia in precedentibus omisla; nempe, Ecclesiam hanc sub Titulo Sancti Vigili dicatam esse.* In Ecclesia Cathedrali Sancti Vigili Civitatis Tridentinae, *in qua celebrarunt primam sessionem.* Sessio XI. dicitur hic *prima:* quia prima est sub JULIO III. in sessionibus frequentibus omititur locus immediatus celebrationis; nam illum indicare supervacaneum fuisse, postquam sessionibus VII. & VIII. dictum fuerat, esse in Ecclesia Cathedrali Tridenti, locum eminentiorem Concilio deputatum.

### S E C T I O V.

#### Note Historica circa TEMPUS celebrationis Conciliorum Generalium.

**P**lura observanda essent circa Tempus celebrationis Conciliorum Generalium, quorum nonnulla jam delibata sunt; reliqua ita facilia inventu, ut indicare sufficiat loca unde illa petenda sint. Principia capita sunt: 1. Sub quibus Principibus & Imperatoribus, & Regibus. 2. Sub quibus Pontificibus. 3. Quo Seculo, quo anno, quo Mensa, quo Die. 4. Quando absoluta fuerint: 5. An interrupta fuerint, 6. Quanto intervallo.

Porrò: Saltem ex parte tractavimus primum & secundum caput in Notis circa convocationem; nam, observando quis Imperator, quis Pontifex, Concilium convocaverit, adverti potuit sub quo Imperatore, & Pontifice, illud fuerit celebratum. Quoad saeculum celebrationis illud observatum fuit erga insigniora, in 3. numero *Observationem Generalium*, ubi diximus, quinque vel sex esse Secula, in quibus singulis plura extiterunt Concilia Generalia & Sacularia non Concilia indicavimus. Quoad Annū, Mensē, & Diem, dicimus, facilissimum esse cognoscere Annū celebrationis singulorum Conciliorum, quia plura sunt genera Indicū Conciliorum, in quibus hac circumstantia, nec non Principis & Pontificis, atque etiam loci indicatur, quaque vulgatissima sunt. Quantum ad Mensē & Diem, hi parvam attentionem merentur, quoad propositum nostrum, in quo intendimus observare discrimina graviora Conciliorum Generalium.

Unicum est Concilium Generale cuius celebratio intermissa fuit, nempe Tridentinum; idque bis: primo, ab anno MDXLVII. 14. Sept. ad MDLV. 1. Maii. secundō, à MDLII. 27. Aprilis, ad MDLX. 24. Februario.

### S E C T I O VI.

#### Note Historica circa PRÆSIDENTIAM.

**H**ic præsessionem sub verbo generali *præsidentia* complectimur, observabimusque, non solum quis primam sedem in Conciliis Generalibus obtinuerit, sed etiam quis ordo servatus fuerit in confessu reliquarum personarum, quae ibi convenerunt.

Quantum ad præsidentiam, specialiter sumptam, attinet, constat, Pontificem præsedisse in omnibus Conciliis Generalibus, quibus ipse interfuit; itaque, cum plerique Conciliis Generalibus Occidentalibus interfuerit, certum est, eum plerisque Conciliorum Occidentalium præsedisse. Et quidem in Occidente XIII. ad summum, Concilia Generalia habita fuerunt. Scilicet, quinque in Aedibus Lateranensis: *Duo* Lugduni: *Unum* Vien-

næ: *Unum* Pisis: *Unum* Constantiae: *Unum* Basileæ: *Unum* Florentiae: *Unum* Tridenti. Ipse autem Pontifex interfuit quinque Lateranensisibus, Duplici Lugdunensi, unico Viennensi, & unico Florentino ac proinde, novem. Supersunt igitur *quatuor*, à quibus abfuit: à quibus tamen excipienda sunt, principium Concilii Constantiensis, cui JOANNES XXIII. adfuit, & finis ejusdem, cui MARTINUS V. interfuit.

Quoad reliqua Concilia, certum, est Pontificem nullo modo interfuisse Concilio Pisano, neque per se, neque per Legatos; adfuisse autem, & præsedisse, per Legatos, omnibus sessionibus Concilii Tridentini: quoad verò Concilium Basileense, Legatos Pontificis non adfuisse nisi quibusdam sessionibus, cum eos revocaverit, quoties dissolvit, aut transaltilit Concilium, qua durante dissolutione, aut translatione, plures habita fuerunt sessiones, quibus antiquiore Cardinalem præsedisse, (si tamen aliquis remansit) probabile est, vel eorum defectu antiquorem Archiepiscopum, vel Episcopum, eorum qui aderant, juxta ordinationem factam à Concilio in sessione XVII. in qua videtur imitatum fuisse Concilium Pisani, cui Cardinalis antiquior præfederat, ut colligi potest ex eo quod instrumentum convocationis à Cardinalibus confectum, Cardinalis antiquior subscripterit primus, idemque reconsentetur primus eorum, qui Concilio interfuerunt, in Indice sub finem ejusdem Concilii confecto.

Prætermitimus hīc Concilium Senense, cui Pontifex interfuit, per nuntios. Licet enim Conciliis Generalibus annumeretur, tam paucā gestit, ut, circa illud immorari superfluum sit.

Et haec dicenda erant, circa præsidentiam in Conciliis Generalibus Occidentis strictè sumptam. Omitto jura præsidentia in eo sita, quod Præses sententiam aperiat primus, item subscribat; quia nihil circa hoc observatione dignum. Secus est de jure exclusivo proponendi res, & questiones discussandas, Præsidibus Tridentinis attributo: ejus enim novitas illud notabile fecit; cum omnino inaudito fuisse ante sess. XVII. An. 1562. quæ prima habet clausulam, *proponentibus legatis.*

Quoad ordinem observatum in confessu Conciliorum Generalium, plura reperiuntur statuta, circa hunc confessum, in ejusmodi Conciliis, mos referenda, postquam observaverimus, Concilium Constantiense, in Decreto circa modum celebrandæ sessionis publicæ, velle, ut, per Missam, Prælati sedeant pro dignitatibus, & prærogativis suis. In actis Concilii Ferrariensis, unus est statutum ferens 1. Ut Patriarchæ gradum habeant, pro sediū suarum dignitatem (hæc determinatur à Concilio Latranensi IV. in Canone cap. 23. de Privilegiis relato.) 2. Ut Archiepiscopi & Episcopi sedeant, pro tempore promotionis sua, exceptis iis, qui Principum Legati sunt, eaque de cauſa ceteros quoquinque præcedent, atque inter se gradum Principi, cuius personam gerunt, debitum obtinebunt.

3. Ut Episcopi electi & confirmati sequantur. Credibile est, eos inter se distinctos fuisse ex tempore confirmationis sua. 4. Abbates Generales, vel qui plures Abbates jurisdictioni sua subditos habent, ex ordine sedebunt, & ante alios omnes Abbates, quamvis eorum Benedictio recentior sit quam Abbatum particularium, ad exemplum Archiepiscoporum, qui ante omnes Episcopos, licet antiquis consecratos, sedent. 5. Abbates particulares sedebunt pro tempore Benedictio sua. 6. Legati, non Episcopi, & Laici cujuscumque ordinis aut dignitatis non sedebunt nisi in medio Navis, ante gradus Tribunalis, dextrorsum, & sinistrorum, juxta consuetum in aliis Conciliis ordinem. 7. Protonotarii, Auditor, seu Judex disceptionum, & Corrector, sedebunt, prout